



Banc Datblygu Cymru

//////
*Ased cenedlaethol strategol ar
gyfer Cymru fwy ffyniannus*

Gorffennaf 2017

Rhagair

Er mwyn i Gymru ffynnu, mae angen i'n busnesau ffynnu

Pan fo ein busnesau ni'n ffynnu, maent yn creu nifer uwch o swyddi o ansawdd gwell. Mae'r trethi maent yn ei dalu yn cryfhau ein cyllid cyhoeddus. Mae'r bobl a gyflogir ganddynt yn cryfhau ein cymunedau. Pan fo busnesau Cymru yn gryf, mae Cymru yn gryf.

Er mwyn i'n busnesau ni ffynnu, mae angen cyllid arnynt

Yn y gorffennol, byddai busnesau Cymru wedi troi at fanciau er mwyn cael mynediad at gyllid. Ond ers 2008, mae cyswllt wyneb yn wyneb gyda banciau wedi lleihau ac mae'r gefnogaeth ar gyfer buddsoddiadau sydd â mwy o risg ynghlwm iddynt wedi cael ei dynnu yn ôl, megis ar gyfer dechrau busnes, ac felly mentrau bach i ganolig (BBaCh) sydd wedi dioddef fwyaf. Ar yr un pryd, mae'r pwysau ar arian cyhoeddus wedi cyfyngu ar allu'r Llywodraeth i ymyrryd. Mae Cymru wedi elwa o gefnogaeth o Ewrop yn y gorffennol, ond mae penderfyniad y Deyrnas Unedig i adael yr Undeb Ewropeaidd yn golygu y bydd arian yr UE yn dod i ben yn 2023. Yn ystod cyfnod ansicr a heb ffynonellau eraill o gyllid, gall llawer o fusnesau ei chael hi'n anodd i frwydro i oroesi a thyfu.

Bydd Banc Datblygu Cymru yn llenwi'r bwlch rhwng y cyllid y mae'r sector breifat yn ei gyflenwi a'r galw am gyllid gan fusnesau

Ar y naill law, fe fydd yn gwasanaethu busnesau Cymru, gan roi'r cyfalaf sydd ei angen arnynt i dyfu. Ar y llaw arall, bydd yn gwasanaethu Llywodraeth Cymru, drwy gyfeirio arian cyhoeddus i'r manau hynny ble y gall gael yr effaith fwyaf – ar raddfa fwy, ar gyflymder cyflymach, ac mewn ffordd gynaliadwy.

Mae lansiad Banc Datblygu Cymru yn nodi newid sylweddol yn y cyllid a gefnogir gan y Llywodraeth ar gyfer busnesau yng Nghymru

Bydd Banc Datblygu Cymru yn benthyc ac yn buddsoddi mwy o arian, drwy ystod ehangach o gynhyrchion ariannol a bydd gwybodaeth yn cael ei fwydo i mewn i'r rheini drwy greu Uned Wybodaeth. Bydd yr Uned Wybodaeth yn ceisio deall y farchnad yng Nghymru ac anghenion busnesau yn well. Bydd hyn yn sicrhau bod y gallu yno i ymateb yn gyflym i'r newidiadau ym maes cyflenwi a galw yn y farchnad yng Nghymru gyda chynnyrch addas wedi'i deilwra. Bydd y Banc Datblygu'n gweithio'n agosach gyda Busnes Cymru, er mwyn sicrhau bod busnesau Cymru yn cael cymorth a chynngor ochr yn ochr â chyllid. Wrth wneud hynny, bydd yn chwarae rôl allweddol wrth sicrhau dyfodol ffyniannus i Gymru.

Giles Thorley

Prif Weithredwr

Uchafbwyntiau Banc Datblygu Cymru



Cynhyrchu mwy nag

un biliwn o bunnoedd

o gymorth buddsoddi ar gyfer Cymru dros y pum mlynedd nesaf



Helpu busnesau i greu a diogelu mwy na

5,550

o swyddi
y flwyddyn



Buddsoddi dros

£80m

mewn BBaCh o fewn y pum mlynedd nesaf



Cynyddu'r cymorth ar gyfer microfusnesau o

£6m i ddros £40m



Yn denu mwy na £460m

o fuddsoddiad sector preifat o fewn pum mlynedd

Pam fo Cymru angen Banc Datblygu

Mae benthyca o'r sector breifat yn crebachu

Fe wnaeth Adroddiad Cam 2 Adolygiad o Fynediad at Gyllid 2013 nodi bwch sylweddol rhwng y cyllid sydd ei angen ar ein busnesau a'r cyllid y mae'r farchnad yn barod i'w ddarparu. Ddwy flynedd yn ddiweddarach, fe wnaeth yr Astudiaeth Ddichonoldeb i Greu Banc Datblygu Cymru 2015 ganfod bod y bwch cyllido hwn yn mynd yn ehangach, gyda'r sefyllfa yng Nghymru yn waeth nag yn Lloegr a'r Alban.

Mae 99% o'r 250,000 o'r busnesau sydd yng Nghymru naill ai'n fusnesau bach a chanolig neu'n ficro-fusnesau sy'n cyflogi llai na 9 o bobl

Ers 2008 mae busnesau bach wedi cael trafferth i ddod o hyd i gyfalaf twf. Nawr, fwy nac erioed, mae angen i fusnesau wybod y byddant yn parhau i fod yn gallu cael mynediad at gyllid mawr ei angen. Nid dim ond y busnesau mwyaf newydd sydd angen mwy o gefnogaeth. Canfu adolygiad Rowlands bod y bwch cyllido yn hyd yn oed yn fwy llym ar gyfer busnesau bach a chanolig sydd wedi eu hen sefydlu sy'n chwilio am rhwng £250,000 a £10 miliwn.

Mae penderfyniad y Deyrnas Unedig i adael yr Undeb Ewropeaidd yn creu mwy o ansicrwydd

Mae ansicrwydd economaidd yn debygol o'i gwneud yn fwy anodd i fusnesau gael mynediad at gyllid. Mae penderfyniad y DU i adael yr UE yn creu cyfleoedd a bygythiadau. Mae angen i fusnesau Cymru gael mynediad at gyllid er mwyn manteisio ar y cyfleoedd a mynd i'r afael â'r bygythiadau. Mae Cyllid Cymru wedi gallu cynorthwyo busnesau yng Nghymru trwy ddefnyddio rhaglenni wedi eu hariannu gan yr UE ers 2001, ond mae penderfyniad y DU i adael yr UE yn golygu na fydd unrhyw arian pellach gan yr UE ar gael ar ôl i'r rhaglen bresennol ddod i ben yn 2023. Bydd y cyllid cynaliadwy a ddarperir drwy gyfrwng y banc datblygu yn cynorthwyo i gynnal hyder busnes drwy gyfnod ansicr.

Mae llywodraethau ar draws y byd yn defnyddio banciau datblygu i hyrwyddo datblygiad economaidd

Ers 2008, maent wedi cymryd rôl wrthgylchol, gan gynyddu graddfa eu gweithrediadau benthyca wrth i fanciau masnachol leihau'r raddfa. Byddai Banc Datblygu Cymru yn dod yn gonglfaen ar gyfer cyflawni blaenoriaethau Llywodraeth Cymru, gyrru cynnydd twf hirdymor, a chreu a diogelu swyddi o ansawdd uwch.

Beth fydd y Banc Datblygu yn ei wneud – Trosolwg

Cenhadaeth Banc Datblygu Cymru yw datgloi potensial economi Cymru trwy gynyddu'r ddarpariaeth o gyllid cynaliadwy, effeithiol yn y gofod rhwng y galw a'r farchnad. Ei weledigaeth yw y bydd yn adnodd unigryw i Gymru, gan greu gwerth hirdymor drwy gyflawni gwasanaethau ariannol – gan wella economi ddeinamig, gystadleuol.

Bydd yn benthyg ac yn buddsoddi cronfeydd yn uniongyrchol gyda busnesau yng Nghymru

Bydd Banc Datblygu Cymru yn cynhyrchu enillion ar fuddsoddiadau mewn Busnesau yng Nghymru a all wedyn gael eu hail-fuddsoddi mewn busnesau pellach. Bydd busnesau yn gallu dod yn uniongyrchol atom ni i gael mynediad at y cyllid sydd ei angen arnynt. Byddwn yn ei gwneud yn flaenoriaeth i ddarparu gwasanaeth gwych i gwsmeriaid drwy gyfrwng perthynas wyneb-i-wyneb a'r ymrwymiad i ddeall busnesau Cymru a'u hanghenion.

Bydd hefyd yn denu arian ychwanegol gan drydydd partion

Er mwyn cynyddu effaith y buddsoddiadau a wnawn, byddwn yn adeiladu perthynas gyda sefydliadau ariannol preifat a chyhoeddus ar draws y DU a byddwn yn codi proffil Cymru yn fyd-eang fel lle o'r radd flaenaf i wneud busnes a buddsoddi yn gynaliadwy. Bydd buddsoddwyr o'r sector breifat yn cael eu hannog i fuddsoddi mewn busnesau unigol, ond hefyd ar lefel cronfa.

Er mwyn cynyddu mynediad at wasanaeth y Banc, byddwn yn buddsoddi mewn profiad digidol gwell

Byddwn yn adeiladu gwefan newydd gyda phrofiad y cwsmer yn ganolog i'w dyluniad. Byddwn hefyd yn adeiladu llwyfan digidol a

fydd yn caniatáu i fusnesau wneud cais am gyllid ar-lein, cofrestru i gael diweddariadau a chynnal sgwrs gyda ni'n uniongyrchol. Pan fo busnesau yn gwneud ceisiadau am arian, bydd ein system ar gyfer rheoli cysylltiadau cwsmeriaid newydd yn integreiddio'r rhain gyda'n prosesau mewnol, ac felly bydd busnesau yn cael profiad esmwyth di-dor.

Bydd yn ategu'r sector breifat, nid cystadlu â hi

Bydd Banc Datblygu Cymru yn bodoli i ariannu busnesau hyfyw na all neu a wrthodir gwasanaeth iddynt gan y farchnad. Er enghraifft, bydd y Banc yn gweithio gyda busnesau cyfnod cynnar, gan gynnwys busnesau newydd, lle mae'r farchnad yn amharod i gymryd risg. Pan fyddwn yn dod ar draws busnesau a fyddai'n cael eu cefnogi yn well gan gyllid prif ffrwd, byddwn yn eu cyfeirio at ddarparwyr eraill. Mewn llawer o achosion, bydd BDC yn buddsoddi ochr yn ochr â'r sector breifat i greu pecyn ariannu hyfyw.

Bydd yn canolbwyntio ar anghenion busnesau micro i ganolig ym mhob rhanbarth o Gymru

Bydd Banc Datblygu Cymru yn canolbwyntio ar micro-fusnesau a busnesau bach a chanolig. Ond bydd ganddo hefyd yr hyblygrwydd i gefnogi busnesau mwy o faint. Bydd yn gweithredu polisi ar draws 'Cymru gyfan', gan fonitro effaith y buddsoddiadau y mae'n ei wneud i wneud yn siŵr bod pob rhanbarth o Gymru yn elwa.

Bydd yn gweithredu model hunan-gyllidol

Bydd y Banc Datblygu yn hunangynhaliol ac ni fydd angen cymorth ariannol ar gyfer ei gostau gweithredu craidd gan Lywodraeth Cymru a bydd y defnydd a wnaiff o ailgylchu cronfeydd a strategaethau buddsoddiadau cadarn yn gwneud y gorau o effaith arian trethdalwyr ac yn rhoi gwerth am arian wrth gyflawni blaenoriaethau'r Llywodraeth.

Yr hyn fydd y Banc Datblygu yn ei wneud ar gyfer busnesau yng Nghymru

Bydd mwy o arian ar gael ar gyfer busnesau yng Nghymru

Rhagwelir y bydd Banc Datblygu Cymru yn buddsoddi £400 miliwn hyd at 2021/22. Bydd cyllid y sector breifat yn fwy na dyblu'r ffigwr hwn i £860 miliwn. Pan fydd cynllun Cymorth i Brynu – Cymru yn cael ei ystyried, bydd yr effaith gyffredinol dros bum mlynedd yn fwy na £1bn o fuddsoddiad yn economi Cymru.

Bydd yn lansio cyllid newydd ac yn gwella'r rhai presennol

Fydd Banc Datblygu Cymru yn gweithio yn gyson i ddatblygu confreydd a chynyrch newydd i fodloni anghenion busnesau yng Nghymru. Fydd yn cynyddu'n sylweddol argaeledd cyllid a draws amrywiaeth eang o ddatrysiadau ariannol i sicrhau gallu cwmnïau i gael mynediad at y gefnogaeth iawn ar yr amser iawn.

Bydd yn cynnig pecynnau mwy penodol a hyblyg

Bydd gan Banc Datblygu Cymru yr hyblygrwydd i deilwra ei gefnogaeth i'r hyn mae busnesau ei angen. Gall hyn gynnwys cyfuniad o gyllid dyled ac ecwiti neu gyfalaf fwy hirdymor (amyneddgar) o hyd at 10 mlynedd. Bydd BDC yn cydnabod fod pob cynnig busnes yn unigryw a bydd yn darparu cymorth sy'n diwallu eu hanghenion penodol.

Bydd yn cynnig 'arian yn ogystal â rheolaeth'

Yn ogystal â gwneud buddsoddiadau, byddwn yn canolbwyntio ar wneud y gorau o'r adenillion ar y buddsoddiadau hynny – ar gyfer y busnesau eu hunain, ac i sicrhau bod gennym arian i ail-fuddsoddi yn y dyfodol. Rydym yn darparu cymorth parhaus i fusnesau ar ôl buddsoddi drwy weithio'n agos gyda'u timau rheoli drwy gyfrwng rheolwyr cyfrif ymroddedig, cymryd swyddi ar Fwrdd busnesau buddsoddiad ecwiti allweddol a'u cyfeirio at gymorth pellach yn ôl yr angen.

Cronfeydd presennol (Gorffennaf 2017)	Ystod buddsoddi	Cyclch bywyd busnes				Amseriad			Math o fuddsoddiad		Ychwanegol
		Busnesau ifanc	Tyfiant	Olyniaeth	Troi-o-amgylch	Hyd at 10 mlynedd	Hyd at 5 mlynedd	Hyd at 18 mis	Benthyciad	Ecwiti	
Cronfa Benthyc Micro Fusnesau	£1k - £50k	•	•			•			•		
Cronfa Olyniaeth Rheoli	£500k - £3m			•			•			•	•
Cronfa Twf Cyfalaf Cymru	£50k - £2m	•	•					•	•		•
Cronfa Busnes Cymru	£50k - £2m	•	•	•			•		•	•	
Cronfa Eiddo Cymru	£250k - £4m	•	•					•	•		
Cronfa Sbarduno Technoleg	£50k - £150k	•				•				•	
Buddsoddiadau Menter Technoleg	£50k - £1m	•	•			•				•	
Cronfa Achub ac Ailstrwythuro	£25k - £2m				•		•		•		

Beth fydd y banc datblygu yn ei wneud – *Y cynnig ehangach*

Bydd yn darparu ystod ehangach o gynhyrchion a gwasanaethau

Bydd Banc Datblygu Cymru yn parhau i ehangu ei gylch gorchwyl y tu hwnt i'w fusnes craidd o ddarparu benthyciadau a buddsoddiadau uniongyrchol i fusnesau. Bydd yn adeiladu ar lwyddiant y cynllun Cymorth i Brynu - Cymru drwy ddarparu gwasanaethau buddsoddi i gefnogi ystod eang o flaenoriaethau'r Llywodraeth.

Bydd cymorth busnes y Llywodraeth a'r ddarpariaeth cyllid wedi eu hunioni yn well

Bydd buddsoddiad i mewn i fusnesau bach a chanolig yn cael ei wella'n sylweddol lle bo cyllid a chymorth busnes yn cael eu hunioni. Er mwyn gwneud i hyn ddigwydd, bydd Banc Datblygu Cymru yn gweithio'n agosach gyda Busnes Cymru, gan ei gwneud yn symlach ac yn haws i fusnesau gael cymorth ochr yn ochr â chyllid.

Bydd yn creu Uned Wybodaeth newydd i yrru gwell dealltwriaeth o fusnes a'u hanghenion

I sicrhau fod arian cyllido a chefnogaeth yn cyrraedd lle mae ei angen, mewn ffordd sy'n gweithio i fusnesau, byddwn yn creu Uned Wybodaeth newydd, adran ymchwil

gyda'r dasg o ddadansoddi yn fanwl beth yw anghenion ac ymddygiadau busnesau micro i ganolig yng Nghymru. Bydd yr Uned Wybodaeth yn cynhyrchu adroddiadau rheolaidd a fydd yn olrhain y cyflenwad a'r galw am gyllid. Byddant hefyd yn ein helpu i fesur effaith buddsoddiadau'r Banc, ar fusnesau ac ar economi Cymru. Byddant yn dîm agored a chydweithredol, yn gweithio gyda'r Swyddfa Ystadegau Gwladol, Prifysgol Caerdydd a sefydliadau academiaidd eraill, a byddant yn rhannu gwybodaeth am y farchnad gydag ysgolion a chyhoeddiadau busnes. Bydd hyn yn arfogi Banc Datblygu Cymru fel ei fod mewn sefyllfa dda i ymateb yn gyflym ac yn effeithiol i anghenion y farchnad sy'n newid.

Bydd yn darparu canolbwynt ar gyfer twf busnes yng Nghymru

Bydd BDC yn gweithio gyda banciau prif ffrwd a banciau heriol, llwyfannau ariannu torfol, a mentrau cydfuddiannol a chymdeithasol, gan gynnwys cydweithrediadau ac undebau credyd, i gynyddu maint cyffredinol y cyllid sydd ar gael ar gyfer busnesau yng Nghymru. Trwy rwydwaith newydd, byddwn yn nodi ac yn annog buddsoddwyr Angel newydd posibl ac yn dod â nhw at ei gilydd i mewn i syndicadau er mwyn cynyddu buddsoddiad Angel yng Nghymru.

Sut fydd y Banc datblygu yn cyflawni dros Gymru

Bydd Banc Datblygu Cymru yn dod yn gonglfaen ar gyfer cyflwyno cynhyrchion ariannol yn y sector gyhoeddus, gan gefnogi busnesau micro i ganolig yng Nghymru a chynyddu'r cyflenwad o gyllid. Bydd yn hyrwyddo datblygiad economaidd drwy gyfrwng model cyflwyno hyblyg sy'n ymateb i anghenion y farchnad tra'n parhau i ddarparu gwerth am arian am arian cyhoeddus. Bydd yn cyflawni amcanion polisi allweddol Llywodraeth Cymru drwy gyflawni targedau perfformiad a darparu rheolaeth dros fuddsoddiadau a gwasanaethau cymorth ar draws Llywodraeth Cymru yn ei gyfanrwydd.

Bydd Banc Datblygu Cymru yn galluogi Llywodraeth Cymru i gyflawni ei amcanion polisi ar hyd a lled Cymru.

Bydd yn cefnogi twf a datblygiad economaidd, fel bod pob sector a rhannau o Gymru yn cael y cymorth sydd ei angen arnynt i ffynnu.

Bydd yn buddsoddi ar gyfer effaith cymdeithasol yn ogystal ag effaith economaidd

Byddai Banc Datblygu Cymru yn anelu at fod yn fuddsoddwr effaith amlwg, gan fonitro dangosyddion perfformiad allweddol megis lleihau allyriadau carbon, cyflogaeth mewn ardaloedd difreintiedig a grwpiau wedi'u tangynrychioli yn flaenorol.

Bydd yn sicrhau mai Cymru fydd y lle mwyaf deniadol yn y DU i fusnesau bach a chanolig a microfusnesau gychwyn, tyfu a llwyddo

Bydd yn ased cenedlaethol strategol, gan roi mantais gystadleuol i Gymru o ran denu, cadw ac adeiladu busnesau bach.

Bydd yn darparu gwasanaethau rheoli buddsoddiadau ar gyfer Llywodraeth Cymru gyfan

Bydd Banc Datblygu Cymru yn rhoi ei wasanaethau cymorth ariannol ar gael i bob adran o Lywodraeth Cymru. Er enghraifft, bydd hyn yn cynnwys y potensial ar gyfer cefnogi seilwaith ar raddfa fwy neu brosiectau twf gwyrdd.

Yn wahanol eto i fenthycwyr masnachol, byddwn yn sicrhau bod gan Fanc Datblygu Cymru bresenoldeb corfforol ar hyd a lled Cymru

Er y bydd ein buddsoddiad mewn TG yn caniatáu i fusnesau gael mynediad at wasanaethau Banc Datblygu Cymru o bell, mae angen i'r Banc hefyd ddarparu lefel o ryngweithio personol sy'n ei wneud yn wahanol i'r sector breifat. Bydd hyn yn gyrru unrhyw benderfyniadau sy'n cael eu gwneud ynglŷn â lleoliadau swyddfeydd. Rydym yn ymchwilio i'r syniad o greu rhwydwaith o 'asiantaethau' ledled Cymru, rhwydwaith o gynghorwyr ar draws pob rhanbarth, sydd yn hyddysg yn y broses o wneud cais ar-lein, ac sy'n deall yr hyn y mae Banc Datblygu Cymru yn ei gynnig.

Cam arwyddocaol fydd sefydlu pencadlys newydd yn Wrecsam

Bydd hyn yn golygu cyfuno ein swyddfeydd yng Ngogledd Cymru yn Wrecsam. Ar y dechrau, rydym yn rhagweld y bydd 20 o bobl yng Ngogledd Cymru, a fydd yn cynyddu i 50 o fewn dwy flynedd ar ôl lansiad y Banc. Bydd Wrecsam yn cael ei ystyried fel y safle a ffefrir ar gyfer yr holl wasanaethau newydd wrth iddynt gael eu sefydlu, yn ddarostyngedig i anghenion busnes ac ystyriaethau gwerth am arian.

Bydd buddsoddiadau llwyddiannus yn awr yn ariannu rhagor o fuddsoddiadau yn y dyfodol

Bydd yr arian yr ydym yn ei fenthg ac yn ei fuddsoddi yn llifo yn ôl i mewn i'r Banc drwy adenillion ar ein buddsoddiadau. Bydd hyn yn ei dro yn creu cronfeydd cynaliadwy i gefnogi mwy o fusnesau yng Nghymru yn y dyfodol.

Mae hyn yn golygu mwy o gyllid ar gyfer busnesau yng Nghymru ac economi Cymru

Bydd Banc Datblygu Cymru yn cynyddu'r cyllid i economi Cymru, gan greu effaith o fwy na £1 biliwn dros bum mlynedd, (gan gynnwys Cymorth i Brynu - Cymru), gyda'r potensial i godi mwy o arian sector breifat.

Bydd brand newydd sbon yn gosod safonau newydd ym meddyliau'r gymuned fusnes yng Nghymru

Mae angen i Fanc Datblygu Cymru fod yn frand sy'n golygu rhywbeth i fusnesau. Mae'r enw wedi cael ei dewis i adlewyrchu

gweithgareddau busnes y sefydliad newydd. Ond bydd hefyd yn gwneud ei bwrpas, ei gylch gorchwyl a'i ymagwedd yn amlwg. Mae banciau datblygu yn cael eu hadnabod fel sefydliadau sydd â safonau uchel o dryloywder ac atebolrwydd.

Bydd yn helpu busnesau i greu a diogelu miloedd o swyddi

Drwy gynyddu benthyca a buddsoddi ym musnesau Cymru, bydd Banc Datblygu Cymru yn helpu busnesau i gynyddu nifer y swyddi a grëir ac a ddiogelir o'r 3,000 presennol y flwyddyn i 5,500 o fewn pum mlynedd. Bydd Banc Datblygu Cymru hefyd yn canolbwyntio'n amlwg ar ddarparu swyddi o ansawdd uwch hefyd.

Bydd yn ysgogi mwy o arloesedd a chynhyrchiant

Gan ganolbwyntio ar greu mwy o swyddi o ansawdd uchel, bydd Banc Datblygu Cymru yn gyrru mwy o arloesedd a chynhyrchiant i mewn i economi Cymru, gan wneud defnydd gwell o boblogaeth fedrus wedi'i haddysgu'n dda.

Mae hynny'n golygu Cymru fwy diogel a llewyrchus

Drwy gyflawni sector breifat fwy llwyddiannus a deinamig, creu mwy o gyfoeth a mwy o swyddi o ansawdd uchel, bydd Banc Datblygu Cymru yn gyrru trawsnewidiad Cymru i fod yn genedl ffyniannus, mentrus a chynaliadwy, a fydd yn cael effaith barhaol ar les cenedlaethau'r dyfodol.

Sefydlu Banc Datblygu Cymru

Mae'r trawsnewidiad o Cyllid Cymru i Fanc Datblygu Cymru ar y gweill.

Bydd Banc Datblygu Cymru yn cael ei adeiladu ar sylfeini cadarn


Bydd dull creu Banc Datblygu Cymru yn arloesol. Byddai'n cynrychioli newid sylweddol o fodel busnes cyfredol Cyllid Cymru. Ond er gwaethaf hynny, mae'n risg isel risg a chost-effeithiol o ran cyflawni. Bydd hynny'n cael ei gyflawni oherwydd fe fydd yn cael ei adeiladu ar sylfeini cadarn – defnyddir arferion gorau profedig banciau datblygu o gwmpas y byd, a sgiliau, gwybodaeth a phrofiad Cyllid Cymru.

Bydd yn cael ei lywodraethu gan Fwrdd Cyfarwyddwyr annibynnol, gyda mewnbwn gan Lywodraeth Cymru

I ddechrau bydd y Bwrdd yn cynnwys chwe Chyfarwyddwr Anweithredol a dau Gyfarwyddwr Gweithredol. Bydd yn cael ei gadeirio gan Gareth Bullock, cyn Gyfarwyddwr Gweithredol Grŵp 'Standard Chartered Bank'. Mae gan Gareth ganddo dros 30 mlynedd o brofiad yn y sector gwasanaethau ariannol. Bydd y tîm Gweithredol yn cael ei arwain gan y Prif Weithredwr Giles Thorley, cyn Brif Weithredwr y FTSE 100 a Swyddog Buddsoddi gyda dros 25 mlynedd o brofiad ym maes cyllid a rheoli corfforaethol ar lefel uwch. Mae cydbwysedd y tîm Gweithredol yn cynnwys profiad cyfunol o dros 100 mlynedd o ddarparu gwasanaethau benthycu a chymorth i'r gymuned BBaCh.

Y risg mwyaf hanfodol y mae'r Banc newydd yn ei hwynebu yw sierhau'r cyllid sydd ei angen arno

Mae'r model busnes yn dibynnu ar y Banc yn cyrraedd cynnig ar raddfa fwy a chyrhaeddiad ehangach yn gyflym. Dyna sut y bydd yn cael yr effaith ar economi Cymru a ddisgrifir yn yr achos busnes. I wneud hwn yn bosib, mae Llywodraeth Cymru yn gweithio tuag at gymeradwyo sawl cronfa newydd.



Llinell amser a datblygu yn y dyfodol

2013

Archwiliodd yr adolygiad *Mynediad at Gyllid* argaeledd cyllid ar gyfer busnesau bach a chanolig eu maint (BBaCh) yng Nghymru.

2015

Edrychodd *Ymchwiliad Cyllid Cymru* y Cynulliad Cenedlaethol i mewn i rôl weithredol Cyllid Cymru ar gyfer y dyfodol

Daeth yr *Astudiaeth Ddichonoldeb i mewn i Greu Banc Datblygu Cymru* i'r casgliad y dylai 'sefydliad newydd gael ei greu i reoli arian cyhoeddus BBaCh yng Nghymru a ddylai ymdebygu i fanc datblygu cyhoeddus.'

Gorff 2017

Cymeradwywyd achos busnes Cyllid Cymru ar gyfer creu Banc Datblygu Cymru gan y Cabinet.

2016

Cyhoeddodd y Prif Weinidog y byddai Banc Datblygu Cymru yn flaenoriaeth allweddol i'r pumed Cynulliad.

twf buddsoddiad parhaus

Hyd 2017

Lansio BDC ochr yn ochr â brand newydd a lleoliad prif swyddfa newydd.

Ion 2018

Prif swyddfa yn weithredol yn y Gogledd.

2020

£80m wedi'i fuddsoddi'n flynyddol gan greu £172m o effaith gyda cyd-fuddsoddi a 5500 o swyddi wedi'i greu a diogelu.

Bydd y datgeliad a ganlyn yn weithredol o'r adeg pan fydd Banc Datblygu Cymru yn dod yn weithredol:

Banc Datblygu Cymru ccc yw cwmni daliannol Grŵp sy'n masnachu fel Banc Datblygu Cymru. Mae'r Grŵp yn cynnwys nifer o is-gwmnïau sydd wedi'u cofrestru gydag enwau gan gynnwys y llythrennau BDC. Mae Banc Datblygu Cymru ccc yn gwmni cyllid datblygu sy'n eiddo i Weinidogion Cymru yn gyfan gwbl ac nid yw'n cael ei awdurdodi na'i reoleiddio gan yr Awdurdod Rheoli Darbodus (ARhD) nac yr Awdurdod Ymddygiad Ariannol (AYA). Mae gan Fanc Datblygu Cymru dri o is-gwmnïau sy'n cael eu hawdurdodi a'u rheoleiddio gan yr AYA. Noder os gwelwch yn dda nad yw Banc Datblygu Cymru ccc nac unrhyw un o'i is-gwmnïau yn sefydliadau bancio ac nid ydynt yn gweithredu fel y cyfryw. Mae hyn yn golygu nad yw unrhyw un o endidau'r grŵp yn gallu derbyn adneuon gan y cyhoedd. Gellir dod o hyd i siart strwythur cyfreithiol cyflawn ar gyfer Banc Datblygu Cymru ccc ar ein gwefan.

